



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 6. De Institutione SS. Eucharistiæ.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

summo desiderio & alacritate arripienda sunt. Neque enim verecundari Christianum decet, si factum Christi sequatur : nec seruum, si ijs ministerijs occupetur, in quibus videt esse Dominum.

6. Pudeat nos : cum videmus Dominum & Magistrum cum discipulo contendente, ut sibi liceat in anteriorem esse, & pedes more mancipij lauare. Et nos terra vermiculi erubescimus seruire aut obedire ijs, etiam quibus inferiores sumus : cupientes honorem & reuerentiam nobis potius exhiberi.

7. Noluit Christus Petro lotionis causam, nisi absoluto opere, indicare. Sic nos non decet curiose rerum, quas Deus in hoc mundo permittit, scrutari causas ; potius perferre omnia : ad extremum enim omnia cum fructu & voluptate quorsum pertinnerint intelligemus.

si Qui agrè ferunt, aut certè infructuosas apud se esse patiuntur aliorum reprehensiones, aut Superiorum, patrumque spiritualium monitiones ; item qui contemnunt aut repugnant diuinis inspirationibus : ij sunt, qui à Christo lauari, & quod sequitur, partem habere cum illo reculant.



MEDITATIO VI.
DE INSTITVTIONE
SS. EUCHARISTIÆ.
PUNCTA MEDITATIONIS.

Mat 26 I. *Cœnantibus illis, IESVS accepit panem ac gratias agens, benedixit, fregit,*
Mar. 14.
Luc, 22. *git,*

git, deditque discipulis, dicens: Accipite, & comedite: Hoc est corpus meum, quod pro vobis tradetur.

II. Similiter accepto calice gratias egit ac dans illis, dixit: Hic est sanguis meus novi testamenti, qui pro vobis effundetur in remissionem peccatorum.

III. Hoc facite in meam commemorationem.

FIGURÆ.

MELCHISEDECH Sacerdos Dei al- *Gen. 14.*
tissimi obtulit panem & vinum.

Præcepit Dominus populo Israel, vt *Exod. 12.*
ad suum Pascha, sumerent agnum sine macula, & assum igni comederent, cum pane azymo, & lactucis agrestibus.

Pluit Deus manna de cælo, ad cibum *Exod. 13.*
populi sui in deserto.

PROPHETIÆ.

PAnem Cæli dedit eis, panem Angelorum *Psal. 77.*
manducauit homo.

Parasti in conspectu meo mensam, aduersus eos, qui tribulant me. *Psal. 22.*

Memoriam fecit mirabilium suorum misericors & miserator Dominus, escam dedit timentibus se. *Psal. 110.*

L

Faciet

- Isaia 25. *Faciet Dominus exercituum omnibus populis in monte hoc, conuiuium pinguium, conuiuium vindemia.*
- Zach. 9. *Quid enim bonum est eius, & quid pulchrum eius, nisi frumentum electorum, & vinum germinans virgines?*
- Prou. 9. *Venite comedite panem meum, & bibite vinum, quod miscui vobis.*

 D O C V M E N T A.

1. **C**HRIſTUS accipiens panem prius gratias egit Deo Patri: ita & nobis antequam venerandum hoc Sacramentum sumamus, precibus animus præparandus est, & de tanto beneficio cœlesti datori agenda gratia.
2. Ut Christum imitemur, opus est, vt ante initia bonarum actionum gratijs actis Deum honoremus.
3. Nos ipsos comminuere affectuum mortificatione debemus, & propriæ voluntatis abnegatione, nosque ipsos Christo cibum dare, quemadmodum ille exinanivit se, vt animæ nostræ fieret cibus.
4. In rebus huius vitæ aduersis, gratia & laudes dicendæ sunt Deo. Sicut Christus cum accepisset calicem, quo supplicia ipsius indicantur, gratias egit & benedixit.
5. Postquam Christus Apostolis dederat ex suo calice bibere, promisit fore, vt vinum cum ipso nouum in regno suo bibant. Nos enim si in hac vita bibamus rerum aduersarum calicem, qui nos assimulat Christo; in altera diuinorum ipsius gaudiorum particeps erimus.

6. Quo

6. Quoniam in hoc Sacramento se Christus Panem Angelorum appellat, laborandum nobis est, si quidem, ut par est, hoc pane vesci optamus, ut Angelorum in nobis puritas & mundities epitescat.

7. Corpus & sanguinem suum reliquit nobis Christus sub panis & vini specie; ut quemadmodum ex pluribus granis frumenti panis vnus; & ex pluribus vuarum granis vinū conficitur: sic Christiani omnes, qui huius mysterij participatione se dignos exhiberent, omnes vno huius Sacramenti vinculo iungerentur, ea caritate, quam in primitijs Christianorum floruisse testantur Apostolorū Acta. Multitudinis credentium erat cor vnum, & anima vna.



MEDITATIO VII.
DE PRODITIONE
PATEFACTA.

PVNCTA MEDITATIONIS.

I. Christo turbato ac dicente: vnus ex vobis me tradet; *tristati singuli dixerunt: Nunquid ego sum Domine, &c.* Mar. 26
Mar. 14
Luc. 22.
Ioan. 13.

II. Ioanni supra pectus eius recumbenti ac roganti: Quis esset? respondit IESVS: cui ego intinctum panem porrexero.

III. Intinctum panem dedit Iudæ dicēs:
L 2 Quod

bus po-
uium,

id pul-
m, &

bibite

n prius
bis ante-
mentum
ndus est,
agenda

t, vt ante
is Deum

um mor-
tatis ab-
um dare,
vt animā

gratiæ &
ristus cum
us indica-

ederat ex
vt vinum
oant. Nos
n aduersa-
Christo; in
participes

6. Quo